

YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan

Vol. 43		Issue No. 31		Ramhlun North: Ni 02 August, 2025	
BRANCH THU THAR ■ August thla khawhar in hruaitu tur te: Leader: Pu John Lallawmawma Asst. Leader: Pu H. Lalremruata OB ic: Pu Rorelliana 1. Pu R. Zonunmawia 2. Pu Lalneihhlua 3. Pu VL. Pianruala 4. Pu Lalmazawia 5. Nl. Elizabeth Lalnunluangi ■ Ni 08.08.2025 hian Branch Executive Committee meeting neih tum a ni. Executive Committee member te hun remchang lo insiam turin kan inngene. ■ LBS Suzuki 1st Inter Branch YMA Futsal Tournament, 2025 khelh mekah kan branch chuan an khelh hmasak berah Hmuṭha Branch te 3-1 in an hneh a. Khelh lehah hian Electric Veng branch te ni 5.08.2025 zan dar 6:00 hian R. Dengthuama Hall-ah an tum leh dawn a ni. J & BL Auto Refinish ten Jersey min tum saka, an chungah Branch chuan lawmthu kan sawi a ni. Tin, inkhelh hmasak khan Pu R. Lalrinmawia, kan President hlui chuan Team te ei leh in min tum sak a, a chungah lawmthu kan sawi bawk.		Ramhlun North Football Club (I-Day Tournament khel mek, 1st Div. League hmachhawn leh nghal dawn) Ramhlun North, the 2nd August, 2025: Ramhlun North Football Club ten veng mipui ṭawiawmna a zarah Independence Day Football Tournament, 2025 kan khel mek a. I-Day khel tur hian 1st Division kan nih avangin direct in kan khel thei lo a, MPL club bakah state pawn aṭanga sawm bik ten an khel ṭhin a ni. Mizoram Football Association lamin Aizawl District Football Association lamah 1st Division aṭanga khel tur lo inzawng tur a a tih hnuah ADFA Honorary Secretary aṭangin ni 8 July, 2025 ah RNFC Hon. Secretary hnenah lo inbuatsaih tur a an hrilh hnuah July ni 10 aṭangin practice ṭan nghal a ni a. Inpuahchahna hun chhung duhthusam in an nei rei thei lo a paw i an ti hle a ni. He mi avang hian kan tournament khelh mekah tum angin an che thei lo deuh a. Ni 29.07.2025 (Thawhle hni) ṭlai dar 3 khan Kanan FC (MPL Club) chu 0-2 in an hneh lo hlah mai a. An match 2-na hi ni 31.07.2025 (Ningani) chawhnu dar 3 ah khan Mizoram Police (MPL club) tum lehin 1 - 1 in an in draw a ni. Match 3-na group match tawp ber atan ni 4.08.2025 hian SYS (MPL club) an hmachhawn leh dawn a. I-Day khel thei tur a vengchhung mipui te support na leh sum leh pai a nasa tak an ṭanpuina dawn zawng zawngah RNFC chuan lawmthu a sawi tak meuh meuh a. I-Day Jersey hi Dr.C. Lalrozami in an pa K. Lalenghluna (L) boral ta hriatreng nan min rawn sponsor a, Pu Maenga hi RNFC Hon. Secy hlun tak a ni a, MFA hruaitu ni baw ṭhin a ni, Pi Zamtei chungah RNFC chuan lawmthu a sawi a ni. Vengchhung club a nih anga support-na ṭha tak pe zui zel turin RNFC chuan min ngen baw k a ni. Football hruaitu lamin an tumber MPL khelh theih nan a 1st Division League khelh a ni a. Hemi ti thei tur hian nasa zawk a ṭan lak tum mek zel a ni. 1st Division League hi September - October thla chhung hian khelh tum a ni. Sum leh pai mamawhna a sang ṭhin hle a, chumi hrethiam a vengchhung aṭanga sponsor kan hmu thei ṭhinte hi an lawm thei hle. 1st Division League Jersey hi Main sponsor ah J&BL Auto Refinish anni dawn a, Co-Sponsor ah Naamy Restaurant te anni dawn baw k a ni. Heng sponsor te bakah players hlawh tumtu te, ei leh in tur te, tui te leh mamawh hrang hrang pe ṭhintute hnenah lawmthu RNFC chuan an sawi tak zet zet a ni. Tin, RNFC hian inhlawhnan a an thil zawrh te, show an buatsaih ah te leh aṭul anga vengchhung mipuiin sum thawhkhawm a an min puih ṭhinna zawng zawngah RNFC chuan lawmthu a sawi tak meuh meuh a ni e.			
CENTRAL YMA THU ■ Kum 2025-a Aizawl Khawpui chhung Branch YMA member tam zualte: 1. Bawngkawn - 5678 2. Mission Vengthlang - 4852 3. Ramhlun North - 4752 4. Bethlehem VT - 4209 5. Chaltlang - 4081 6. Chanmari - 3816 7. Zemabawk - 3700 8. Khatla - 3679 9. Durtlang - 3552 10. Dinthar - 3515		Lumen zan sawhchiar Vengchhungin chhiat kan tawh a, lumen ngai kan neih chang hian, nula leh ṭlangval ṭlawmngai te tan zan reia ei turin sawhchiar siam ṭhin a ni a, ṭlaivar thei chiah lo tur te pawhin sawhchiar sem hun kan nghak deuh hram hram ṭhin a, a lawmawm lamah ngai ila. Sawhchiar siamnaah hian kum hmasa lamah khan pavalai lam kan tel tam deuh ṭhin a, chutih rualin tun hnaiah sawhchiar siamna a thawkchhuak, pavalai kan kiam ta deuh niin a lang a, ṭan i la thar leh deuh teh ang u khai. Sawhchiar siamnaah hian a ti tur bik ruat an awm chuang lo a, a mamawh te lo lam khawm a, bul lo ṭan a, mei lo nun a, a ṭul hmasa te lo buaipui tura inruat te chu kan awm ngei a, mahse, hei hi midang tan inkiltawih phah nana hman loh tur a ni a, sawhchiar siamnaah hian a thei leh hman remchang apiang chu inthlathlung lo a ṭlawmngai taka thawk chhuak ṭhin turin kan insawm thar leh a ni. Hetih rual hian sawhchiar siamna lama hma la ṭhin ten ṭlaivar te ei tur sawhchiar tui tak an siam ṭhin a, sawhchiar siam hi a taw ṭur hriatthiam a har khawp mai a, ṭlema a semtu te lam an han phān deuh lek lek chang te pawh a awm a, mahse, hei pawh hi a lawmawm lam tho a ni. Lumenna sawhchiar inchan lo khawpa tam kan awm theih chuan a lawmawm lam zel tho a ni. Hetiang a nih rual hian sawhchiar sem hun hi zanrei rilṭam lam a lo ni tawh ṭhin a, plate 2-3 lo la khaw ṭe pawh awm theih a ni a, a ṭawm lo chuang lo a, mahse, midang ngaichang chungin, a chang lo an awm palh ang e tih rilru a nei chungin, kan chan kim vek hnuah a bang a awm chuan plate 3-4 pawh ei ila a paw i hauh lo a nia!			
SECTION THU THAR ■ Taitesena Section: Kar hmasa inrinni zan khan Taitesena Section Committee ten DLAO Office tifaian an hnathlang. Inhlawh min hmuhsak tu Pu Lalramsanga Hauhnar, V-Sec. chungah hruaitu te chuan lawmthu a sawi.					



TANGKA/SUM NGAINAT HI...

I sum kha i thuhnuaia i dah a, i chhiahhlawh tha tak ânga i hman thiam loha hotu en-a i en vaih chuan, a thunun che anga a bawihah i tang tlat tawh ang. I duh duh-a i hman tur khan a duh duhin a hman zawk ang che.

He khawvela kan awm chhung chuan tangka/sum hi kan mamawh lam khawmna atan chuan thil tangkai tak a ni, nimahsela kan mamawhna hi duhâmnâ nen a tan dun tawh chuan kham khawp i hmu ngai lovang a, neih belh duhna thinlung i pu ngei ngei ang.

Ka ta alawm i tih mek lai khan, a ta i lo ni fel der tawh zawk mai thei. Mi pakhat chu a thih hnuah pawh a bulah chengkhat thir hi han vâwrh ila; a la hâp chat mai thei an tih fiamthu thin hian, a lo kawk zawn ru viau tawh mai thei che a nia. I ngaihtuah ve ngai lo maw?

Tangka/ sum neihna atan chuan mawi leh mawi lo, dik leh dik lo pawh thlû lova i bawh huam huam tawh chuan sum chuan a thunun hle tawh che a, sum bawihah i tang mek tih in hria ang che.

Sum hian engkim a ti thei lo tih hi hre reng la, sum ngah apiang hi an nun a nuam kher lo tih pawh hre bawkrawh, i sum khan i thlarau tan chawlhna a lei chhuak thei lo va, fâm khawpui i lawina tur a dal thei hek lo.

I sum zawkin a neih let tawh che chuan rinawmna i bosan ang a, i ta tur ni miah lo, mi chan ai pawh laksak-a eiru duh khawpa mi ang lovah a chhuah mai ang che.

Chuvangin tangka/ sum ngainat hi sual tinreng bul a nih ângin i thuhnuaiah dah la, in bawih beh tir ngai suh, duhâmnâ rilru nen sum hi melh ngai lo la, he kan khawvelah bâk hian ?angkaina a nei lo tih hre reng la, he leiah hian i cham hlen dawn lo tih pawh theihnghilh ngai suh.

I neih tawk/i thawh chhuah phak tawkah khan lungawi la, kuttling lo a tangka/sum hai lut tute âwt lohvin mahni in inhai vûr la, thawk chhuak la, talent nei tha tak i nih ngai chuan i talent hmangin inhai vûr tum la, malsawmna tam tak i dawng ngei ang.



MAWMÂ TLÂNG

Mawmâ Tlâng hi Saiha district-a tlâng sang bera ngaih a ni a, tlâng dúng inpharh mawi tak niin a chhîp sang lai chu a filâwr mawi hle a, khaw chûan nana tlâng thengthaw nuam tak a ni. British hunlai khan darthlalanga inbiak nan an hmang thin.

Hetiang chanchin khawthlir lama kanrawn thai lanna kawngah hian, Mara rama tlâng sang ber ti-a sawi hi chi hnih a awm a, Mawmâ tlâng leh Sanghe tlâng hi tlâng sang bera an sawi an ni ve ve a, a san zawng ft kan tarlan aţâng hian a sang zawk chu a hriat theih mai awm e.

He tlâng hi Siaha district mawnglam, Bangladesh leh Myanmar ramri hnaiha awm a ni a, a tlâng dung tawp lam chu Myanmar ramri hrûlah a tawp a ni. Mizoram chhim chhak Chheihlu, Chakhang, Mawhre, Chapui, Siatlai te hi a hnaih zual khuate an ni. Tuipang aţângin kawngpui zêlah kal ila, Chheihlu aţângin Mawmâ tlâng hi Chiang takin a hmuh theih a ni. A tlâng hi Châkhei (Mizo Tawnga Chakhang an tih) khuah a awm a ni.

Mara rama tlâng sang ber ni-a hriat leh hmingthang pawl taka sawi thin Mawmâ tlâng hian hriat hlawh hle mahse, a hming put chhan sawi mai tur a vâng hle a, Mara hnam tawng chuan Mawmâ Tlâh an tia, tlâh chu Tlâng tihna a ni.

Saiha district ah hian tlâng sang tak tak thahnem a awm a, a tlâng sang zual ho hi feet sangli chunglam an ni deuh vek a, Mawmâ Tlâng hi feet 6370 vêl ni-a hriat a ni. A san zawng hi sawi dan leh hriat dan a inâng chiaah lova, Govt. Saiha College, Siaha Adventure Club hovin feet 6675 a sang in an teh bawk.

Tlâng dung chhim leh hmar zawnga inkhawh a ni a, a tlâng pâwng sang lai tak Mawmâ Tlâng tih a ni. A ram a pharh tha in, a rem tha hle a, a tlâng sang chhîp lamah chuan phul rai nuam tak te pawh a awm.

Tlâng sang tak a nih avângin zo boruak nuam takin a tuam reng a, a chhîp sang laiah chuan englai pawhin zo thlifim a thaw heuh heuh reng a ni. A lum lutuk lova, a vawt lutuk lo bawk. Thlasik nat lai chuan vur te pawh a tla ve thin a, nipui laiin a tlâng bulthut lamte chu lum viau mahse, a tlâng chhip lam thin erawh chu dai nuam tak a ni thin. Ramngaw a that avângin tûn hun thleng hian a boruak a la nuam em em reng a ni.

Mawmâ tlâng leilung hi zoram hmun dang tlâng leilungte ang tho a ni a, lei sen me lam a pawl mah zawk a, ram chhe bawm pangpar chhawkhle i a tam em em a, chutih rual chuan ramngaw dur tha tak tak te pawh hmuh tur a tam hle bawk. A ram leilung hi buh leh bal, thlai chitin rengin a ngeih em em a ni.

Sawi tawh ângin tûn hnu thleng hian ramngaw tha tak hmuh tur a la awm a, thing leh maute an lian tha in tûn hma phei chuan chak lak nan tak an hmang thin. Tin, he tlângah hian chhawkhle i a tam em em a, chhawkhle i par sen leh par varte thlenga awmin, a par hunlai chuan a vul nasa thei hle thin a, a mawiin a hmuhnaawm em em a, chhawkhle i par avâng ringawt pawh hian tlawh tham a tling a ni.

Hmanlai ata tawh tûn hun thlengin ramsa chi tin reng tamna hmun a la ni reng a, hmanlai phei chuan Sai, Samak, Sele, Sakei chenin an awm thin a, ramsa chi tin reng chenna hmuna ngaih leh hriat a hlawh reng thin a ni. Tûn hnuah erawh chuan ramsa lian zawkte chu an rem ve tawh a. Savawm, Sakhi, Sanghal te hmuh tur an la awm.

Nunna tui a awm ngei ni-a an hriat tanna pakhat chu, thawnthu sawia an sawi danin he tlângah hian pa pakhatin beai thang a kam a, a âwk thei hle a. Vawi khat chu Vahrit leh Varung bakah sava dang tam tak a âwk a, haw kawngah tui a hmu a, a insilfa i a, a insil pah chuan a sava âwh te pawh chu a sil pah bawk a. Ngaihtthat lohna pawh nei lovin a âk leh mai a, rei lo teah a sava âwhsa ho chu an lo nung a, an thlawk bo ta vek a. Chuta tang chuan Mawmâ tlângah hian nunna tui awmin an hria a, chu nunna tui chu hmuhchhuah tumin an zawng an zawng ta thin a ni.

Hmanlai chuan Mawmâ tlângah hian Lasi te an awm thin a, tûn hnuah erawh chuan chung Lasi te chu hmuh tur an awm ta lo. Hmanlai hun chuan Lasi te tamna hmuna ngaih a ni thin a, pasal tha te'n an zâwl fo thin a ni.

VANGCHHIA DELIVERY

Sumo leh speedpost ah thawntur i nei a, i thawntur hman lo thin em?

Vangchhia delivery hian Aizawl khawchhungah i bungrua te tlawm tak si rang tak si in an lo phurh sak ang che.

Contact: 9366516698 (WhatsApp / Calls)

Editor: Eddie Lalfakzuala (7005269255); **Jt. Editor-te:** Lalrotluangi Zote, RK Lalmuanpuia, Lalhntluanga, Vanengmawia
Manager: C. Lallianzuala (9862365843); **Asst. Manager-te:** Zodingliana, Lalrinchhana, Lalrinawma
Circulation Managers: PB Lahuapzauva, Samuel Lahlupaia, Hmingthanzuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia

**ZIN & HAW**

■ Pu Rorelliana; Treasurer, RN YMA, chhungkaw pawimawh a Shillong kal chu a lo haw leh ta.

■ Nl. Lalrokimi, ECM chhiattawh vanga Kepran kal chu a lo haw leh ta.

■ Pu Haulianthanga, V-Sec. chu tun kâr khan hna thilah New Delhi-ah zin.

■ Tv. Zorinsanga Sailo s/o Sangkhumi, V-Sec. hna thila Serchhipa zin chu a lo haw leh ta.

■ Pu Robert Lalremruata, V-Sec. te chhungkua inentira New Delhi-a kal chu an lo haw leh ta.

■ Pi Mary Lalnunpari w/o David Laltanpuia, V-Sec. chu a fanu thlahin Kolkata-ah a zin.

■ Tv. Vanlalhriata s/o Malsawmthara, K-Sec. chu a zirna hmun Bangalore atangin chawlh hmangin a lo haw.

■ Nl. Malsawmzuali d/o Vanlalrova, C-Sec. damlo hruaia New Delhi-a zin chu a lo haw leh ta.

■ Pu F. Vanlalfela, C-Sec. chu a hna thawhna Lawngtlai atangin hna pawimawh buaipuiin a lo haw.

■ Pi B. Thanpuui w/o PC Rohmingthanga, T-Sec. inentira Kolkata-a kal chu an lo haw leh ta.

■ Pu K. Zasanga, K-Sec. Kolkata a in check up chu an lo haw leh ta.

■ Nl. Lalpekhlui d/o CH. Lalnunkima, K-Sec. chu a zirna hmun Shillong-ah a kal leh ta.

■ Pu Lalthanfala Khiangte, N-Sec. te chhungkua chu a puzawn boral vangin Khawzawlah an zin.

■ Pu R. Lalchhuankima, V-Sec. hna thila Champhaia zin chu a lo haw leh ta.

■ Pu H. Lalnunpuia, C-Sec. te chhungkua chu thil pawimawh buaipuiin Champhai-ah an zin.

■ Pu B. Lalrammawia, V-Sec. te chhungkua chu inentirin Kolkata-ah an kal.

■ Tv. Zatawna, T-Sec. chhungkaw chhiattawhna avang a Vanbawng a kal chu dam takin a lo haw leh ta.

■ Pu Lalhuma, S-Sec. chu an unaupa Lalrinsanga damlo buaipuiin Hmar Chaltlangah a thang mek.


■ Pu Lalnunmawia, C-Sec. chu a hnathawhna hmun Champhai atang hna pawimawh buaipuiin a lo haw.

GAS CARD TI BO


Gas card no. CX20814789.
Lalduhsaka, Chanmari chu tih bo a ni a, a lo hmu leh awmna chin hria chuan phone no.
9862015332 an min lo hriattir thei ula, kan lawm hle ang.

LEI PIAH LAMAH**C. Vanlaltana**

K-49 s/o Rev. C. Biakmawia, T-Sec. chu ni 28.07.2025 zing dar 9:45 khan a boral a, a tuk ni 29.07.2025 chhun dar 12:00 khan Ramhlun North Thlanmual, Zemabawkah vuiliam a ni.

**Salem Lalremsiama**

K-30 h/o Ngursangpuui, K-Sec. chu ni 30.07.2025 zing dar 9:10 khan a boral a, a tuk ni 31.07.2025 chhun dar 12:00 khan Ramhlun North Thlanmual, Zemabawkah vuiliam a ni.



Lusun khawhar chhungte thlamuantu Pathianin vengin awmpui mawlh rawh se.

DAMLO

■ Kan Jt. Editor Pu Vanengmawia, K-Sec. fanu HT Zothankimi chu Dengue avangin LRM Hospital-ah enkawl mek a ni.

■ Pi Roneihthangi m/o Er. C. Lalhriatpuia V-Sec. chu inchhunga a tluksual avangin in lamah enkawl mek a ni.

■ Tv. VLHmangaihzuale s/o Lalthankhuma (L), V-Sec. chu natna hrang hrang avangin LRM Hospital-ah enkawl mek a ni.

■ Pu Daniela, C-Sec. Nazareth Hospital-a awm chu dam takin a lo chhuak leh ta.

■ Pu H. Vanlalhruaia, N-Sec. chu khawsik vangin inah enkawl a ni

■ Pu Laurosia, T-Sec. kal tha lo chu Synod Hospital, Durtlangah enkawl mek a ni.

■ Pu T. Lalruatsanga, S-Sec. chu Ebenezer ICCU-ah enkawl mek a ni.

KOHRAN

■ **Prebyterian, Ramhlun East:** Ni 30.07.2025 atanga 02.08.2025 thleng khan Tleirawl te pualin Summer Camp, Agape Camping Centre, Durtlang-ah neih a ni a, Speaker atan Upa Lalnunsia Khalthang, Chhinga Veng rawih a ni. Camper 127 lai an lut a ni.

LAWMAWM

■ Reuben Malsawmdawngliana s/o J. Laltinkhuma S-Sec. leh Lalngaihawmi, Bawngkawn Chhim Veng te chu 31.07.2025 khan Ramhlun North Presbyterian Kohran, Senior Hall-ah an innei.

■ Pu Lalchhanchhuahfela leh Pi Lalhriatzuali, C-Sec. te chuan a pahniha atan fapa Synod Hospital, Durtlangah an nei thar.

**KEIMAHNI**

■ Kar hmasa Issue no. 30 khan phek 3-na a print tute lamin an lo hmaih palh hlauh mai a, thupha kan rawn chawi e.

**LOCAL COUNCIL**

■ 1) Ui khuahkhirh chungchangah Ui vulhtuten kan zawm tha a a lawmawm hle mai a, DC atanga lehkha kan dawn angin cheng tam tak chawi bakah lungin tan theihna anih avangin Ui vilhtute fimkhur leh zual turin kan in chah nawn leh a ni.

2) Gas booking tih dawnin whatsapp a book tawh lovin **7718955555** hemi number-ah hian SMS in Refill tih thawn tur a ni a, sms thawn hnua gas la dawng thei lo kan awm chuan office lamah va zawhfiah mai tur a ni e.

3) Traffic chungchangah Local Traffic Management te hmalakna kan tawiawm thain hma kan sawn hle a, Local Council chuan vengchuung mipui te hnenah lawmthu a sawi a, tha thlah mai lova tan la tlang zel turin kan inngen nawn leh a ni.

4) Vawk leh Ar vulhtuten thenawmte tan rimchhia leh hnawk lo tura tan la sauh sauh turin kan inngen e.

**THILDANG**

■ Pu Vanlalfaka, N-Sec. chu superannuation in a pension fel ta.

■ Dr. F. Laltanpuia, S-Sec. chu superannuation in a pension.

■ Pu Salem Lalremsiama (L) thisen petu te :- Pu Ngurthanthuama, K-Sec.

Tv. Nixon Zorinkima, K-Sec.

Pu Lalremsanga, N-Sec.

Pu Zosangzuala, K-Sec.

Tv. Lalmangaihtluanga, K-Sec.

Pu Samuel Lalramdinthara, K-Sec.

Insawn:

1. Pu Malsawmkima te chhungkua chu Saitual atangin an mahni in V-Sec. ah an rawn pem fel leh ta.

2. Pu Vanlalhruaia te chhungkua chu Kolasib atangin Pu H. Siku (L) te inah an rawn insawn.

3. Pu Lalmalsawma te chhungkua te chhungkua chu Ramhlun Venglai atangin Pu Vanlalruata in C-Sec. te inah an rawn insawn.

4. Pu K. Lalsangzuala te chhungkua chu Durtlang atangin Pu H. Siku (L) inah an rawn insawn.

KEIMAHNI SIAM (Distilled water)

Pathian hruaia, awmpuina leh kan thil siam hmanthu leh min zawrh saktu te a zarah ZOLIAN CHEMICALS (Zochems 2000) (Distilled water) chuan kum 25 lai kan lo thleng ve ta reng mai, kan va lawm em!

Hemi chhunga kan Dealers / Customers te atanga complaint awm miah loa kan kal thei hi kan lawm em a ni.

Kan Dealers/Customers te in duh khawp leh duh hunah te kan pek theih loh changa harsatna kan siam thin che u avang erawh chuan in mi hriatthiamna kan dil che u-in, theih ang tawkin in mamawhna phuhruk zel turin kan PLANT pawh kan ti phuisui (upgrade) zel a ni a. Kan DEALERS/CUSTOMERS te min rawn dawr zel turin kan ngen a che u.

(In remchan theih chuan a pH / TDS te kha lo teh / check ve theih ni se a lawmawm ngawt ang.)

ZOLIAN CHEMICALS **ZOLIAN MOTORS**
D-27, Basic Mual **C=36, Biak In Mual**
Ramhlun North **Ramhlun North**
Ph : 9862559970 **Ph : 8515881604**

MARYMA		PHEK 4-NA	RN YMA CHANCHINBU
ARTICLE	KANTITA SASA	ADVERTISEMENT	
- Aris Vanneihluanga			
C-Sec.		KC TUI (10-2)	
"Hlawhtlinna ùm suh, hlawhtling turin hnathawk la, hlawhtlinna chuan a rawn ùm zui mai ang che," tih ãawngkam hi i ngaihtuah Chiang ngai em, mi tam zawk hi sum ùm a hna thawk kan awm laiin, sum in a, a ùm let zawk an awm ve leh tlat, piang vannei an ni bik lo a, an thawhrimna ràh an seng a ni mai, Pathian hian keimahni tawkah, theihna (skill) min pe vek a, mahni kutke a ding thei tur hian, theihna kan nei vek, chutiang ni si kan thalai tam zawk te hi, vawi khat pian ve man ah, kan nih tum, kan chàk zawngah eng vângin nge kan in hlan kai theih loh, puhmawh tur chu a tam khawp ang.		Tui thianghlím, PickUp-in 2,000 litre kan pe thei reng e. Ramhlun North veng chhung tan discount kan pe e. Ph: 7005010327 / 9774223462	
Zirna kan chhuanlam ang nge, kan chhungkaw din hmun, ãawngka thiam bawk si lova, sum leh pai kan harsa bawk si a, hei hi chhuanlam tak tak a tling ang em? Mi lâr te, mi hlawhtling te chanchin kan sawi a, an dinhmun ah kan ding ve reng thei tho a, mahse an thawhrimna leh eng hun harsa nge an pal tlang kan hriat pui leh tawh chuang si lova, tum nei miah lovin school/ college kan kal a, kan chàk zawng leh suangtuahna khawvel ah kan thamral a, B.A, M.A kan zo a, hna hnuai hnung deuh thawh kan hreh leh bawk sia, tui lai rap hian kan awm leh mai ãhin.		SEPTIC TANK Khat & REPAIR Septic tank khat paih leh repair kan ti thei reng a, rate chu inbiakremna a ni ang. Contact: 9612376373 C/o Marina: 9436140350 (5-2)	
Mahni tuina, nuam tihna a nih phawt chuan huaisen tak in zawh tlang mai ila, zirna lam ah kan lo thleng sang vak lo pawh a ni mai thei, eng pawh ti ila rinawmna leh thawhrim na hian hlawhtlinna a keng vek tho, mi mahni kut ke a, a din phawt chuan chu âi a zâhawm na a awm chuang lo, thawh hreh kan nei a, vawi leh khat ah eng emaw nih thut kan tum a, kan thiam na leh nihna in a pha leh si lo a, kan beidawng leh mai ãhin.		JM SEPTIC TANK SEVICE Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e. Rate inbiak remna. Registration: MRS 542 Contact: 9862476439 / 9436199884 (10-10)	
Eng vânga hlawchham ãhin nge kan nih, chhuanlam kan ngah, chuan mi tih âng zel tih ve kan tum a, puitlin leh tak tak chuang si lovin, chu mai a ni hlei nem, kan thil mamawh âi kan duhna lamah kan tlan nasa, hreawm kan tuar tak tak peih lo, chu bak a thil ho tih kan ngah ãhin. Kan student ho hi ka zawt ãhin a, "Vawi khat tal hlawhchhamna avânga, rilru nat vâwng vâwngna i nei tawh em (?)," tih hi, a tam zawk hian sawi tur an hre ngai miah lo. A chhan chu hlawhchham tur pawh eng mah tum an la neih loh vâng a ni.		SAWMA SEPTIC TANK SERVICE Septic Tank khat paih fai, commode block, pipe fit, soak pit thar siam engkim kan ti thei e. Rate: Inbiakremna Ph: 8119969364	
Aw le, ka thalai pui duhtak tak te nakin lawk ah nupui pasal in la nei ve anga, in fate'n, "I pa in eng nge a thawh, i nu in eng nge a tih ãhin," an la rawn ti ve ang, vawi khat pian ve manah eng emaw tal nihna (Desination) nei lo chuan khawvel chhuahsan loh tum ila.		KHIANGTE SEPTIC TANK SERVICE Septic Tank khat paihfai, Comode Block, Soak pit, Pipe Fitting, Repair engkim, khur chhung lutin, a neitu te lungawi na thlap in kan thawk thei e Contact - 9862344971 Bawngkawn South (20-10)	
Tûnah hian eng nge i dinhmun ni ve ta? Vawi khat nge i hlawhchham tawh a, vawi hnih? Vawi thum emaw vawi li emaw vawi sarih thleng pawhin i thil tum leh beisei a la hlawhtling lo a ni thei e. Chumi avâng chuan indawm kunin, hlawhchham i inngaihna avângin a ruka zak leh beidawng em em in i hun i hmang mek em ni? A tawp ràt thlenga ãan la thar leh turin, i puan ven sawi chhing tha leh tûrin ka ngen che a ni. A chhan chu, khawvelah hian 'hlawhchham ãhin' hi nangmah chauh i ni lova, i aia ropui leh hausa elkhen, ram khat thana hming thang tawhte zîngah pawh i tawn ang tawng hi an awm ve ãhin asin. A tawpa (a vawi sawmna-a) hlawhtlinna in vawi kua zêt hlawhchhamna 'hlawhtlinna' a chantir vek ang hian, hlawhchhama i inhriatna zawng zawng kha a tawpa hnehna i chan tur hian 'hlawhtlinna ah' a la chan tir ve vek dawn asin.		L.H SEPTIC TANK SERVICE Septic tank paihfai leh repairing engkim kan thawk thei e. Kum 17 chuang experience nei kan ni e. Rate:4500 per trip Ph.6909183193 (30-9)	
Kan ti tawh vek vek a nih chuan, hlawhtling tur lãw lãw in i bei ang u.		COMPUTER CLASS FREE ADMISSION CCA/DCA December exam turin Free Admission hawn mek a ni leh ta e... Free Study Materials. Free PC Hardware Maintenance & Windows/Software Installation. Mon - Fri Class kal hman lo tan Saturday-ah Class a kal theih bawk e. Class timing 7:00am - 6:00pm (Mon-Fri) HI-TECH INSTITUTE OF COMPUTER Zarkawt (Near Traffic Point) & Ramhlun North (Industry peng. Opp. Traffic point) 9862343182 / 9089612701(WhatsApp/Call)	
		E-STAR COMPUTER CENTER (MSCTE Govt' Approved Institution) FREE ADMISSION!!! 2025 DCA -1&2 Sem July - Dec a zir duh tan Admission a tih leh theih ta e. Contact no- 8731875084/7005421131 PAN CARD ,Aadhaar card download,Employment Registration, Income,Residential leh In hmun hming thlak kan buaipui thei bawk e. ER ZOSANGLIAN BUILDING ZOTE ARCADE 3 RD FLOOR NEAR D-3,OPPOSITE NAZARETH HOSPITAL RAMHLUN NORTH	
		ZCD ELECTRICALS Electric bungrua chi hrang hrang GEYZER, ISTIRI, OVEN(OTG), HEATER, LED LIGHT, FAN kan kawl e. House wiring pawh kan tih sak thei e. Kan hnena bungrua la te discount kan pe zel e. Proff Contract kan ni a . Wholesale leh Retail in kan pe thei e. Add:- RAMHLUN NORTH , LAD OFFICE OPPOSITE SUMO STAND BUL, PH :- 9862344138	
Published & edited by Eddie Lalfakzuala for and on behalf of Ramhlun North Branch YMA. Copies- 1,270			